

全唐詩

全唐詩

全唐詩目 第十

第六冊

鄭谷


29

許彬

一

崔塗

一



全唐詩

鄭谷

鄭谷字守愚袁州人光啟三年擢第官右拾遺歷都官郎中幼卽能詩名盛唐末有雲臺編三卷宜陽集二卷外集三卷今編詩四卷

感興

禾黍不陽豔競栽桃李春翻令力耕者半一作多作賣花人

望湘亭

湘水似伊水湘人非故人登臨獨無語風柳自搖春

採桑

曉陌攜籠去桑林

一作村

路隔淮何如鬪百草賭取鳳皇釵

悶題

落第春相困無心惜落花荆山歸不得歸得亦無家

中臺五題

松格一何高何人號乳毛霜天寓直夜媿爾伴閑曹

右乳毛松

賢人骨已銷墓樹幾

一作半

榮凋正直魂如在齋心願一招

右樗里子墓

亂前看不足亂後眼偏明却得蓬蒿力遮藏見太平

右牡丹

唐昌樹已荒天意眷文昌曉入微風起春時雪滿牆

右玉蕊

亂前唐昌觀
玉蕊最盛

暴亂免遺折森羅賢達名末郎何所取叨繼外門榮

右石柱

外祖在南昌七轉
名曹鑑記皆山

別同志

所立共寒苦平生同與遊相看臨遠水獨自上孤舟天
澹滄浪晚風悲蘭杜秋前程吟此景爲子上高樓

送進士盧榮東歸

灞岸草萋萋離觴我獨攜流年俱老大失意又東西曉
楚山雲滿暮吳水樹低到家梅雨歇猶有子規啼

從叔郎中誠輟自秋曹分符安陸屬羣盜倡熾
流毒江甯竟以援兵不來城池失守例削今任
却敘省銜退居荆漢之間頗得琴尊之趣因有

寄獻

華省稱前任何慙削一麾滄洲失孤壘白髮出重圍苦
節翻多難空山自喜歸悠悠清漢上漁者日相依

送徐渙端公南歸

一本無
吳字

青衿離白社朱綬

一作綬

始言歸此去應多

一作多應

羨初心盡不

違江帆和日落越鳥近鄉飛一路春風裏楊花雪滿衣
送祠部曹郎中鄴出守洋州

爲儒欣出守上路亦戎裝舊製詩多諷分憂俗必康開
懷江稻熟寄信露橙香郡閣清吟夜寒星識望郎

送進士許彬

泗上未休兵壺關事可驚流年催我老遠道念君行殘

雪臨晴水寒梅發故城何當食新稻歲稔又時平

次韻和王駕校書結綬見寄之什

直應歸諫署方月別山村勤苦常同業孤單共感恩醉
披仙鶴竚吟扣野僧門夢見君高趣天涼自灌園

祕閣伴直

祕閣鎖書深牆南列晚岑吏人同野鹿庭木似山林淺
井寒蕪入迴廊疊蘚侵閑看薛稷鶴共起五湖心

送太學顏

一作時

明經及第東歸

平楚干戈後田園失耦耕艱難登一第一作離省諸兄

樹沒春江漲人篠野渡晴閑來思學館猶夢雪窗明

送進士趙能卿下第南歸

不歸何慰親歸去舊風塵灑淚慙關吏一作書對越人
遠帆花月夜微岸水天春莫便隨漁釣平生已苦辛

送人遊邊

春亦怯邊遊此行風正秋別離逢雨夜一作聞道路向雲

州磧樹藏城近沙河漾日流將軍方破虜莫惜獻良籌

送人之九江謁郡侯苗員外紳

澤國尋知己南浮不偶遊湓城分楚塞廬岳對江州曉
飯臨孤嶼春帆入亂流雙旌相望處月白庾公樓

送許棠先輩之宮涇縣

白頭新作尉縣在故

一作古

山中高第能卑宦前賢尚此風

蕪湖春蕩漾梅雨晝冥濛佐理人安後篇章莫廢功

一作攻

送司封從叔員外徵赴華州裴尚書均辟

如何拋錦帳蓮府對蓮峰舊有雲霞約暫留鷓鴣蹤數
溪秋雪岸樹谷夕陽鐘盡入新吟境歸朝興莫慵

送京參翁先輩歸閩中

解印東歸去人情此際多名高五七字道勝兩重科宿
館明寒燒一作燭吟船元夜波家山春更好越鳥在庭柯

贈別

南遊曾共遊相別倍相留行色迴燈曉離聲滿竹一作笛秋
穩眠彭蠡浪好醉岳陽樓明日逢佳景爲君成白頭

南遊

淒涼懷古意湘浦弔靈均故國經新歲扁舟寄病身山

城多曉瘴澤國少晴春漸遠無相識青梅獨向一作問人

巴賓旅寓寄朝中從叔

驚秋思浩然信美向巴天獨倚臨江樹初聞落日蟬哀
榮悲往事漂泊念多年未便甘休去吾宗盡見憐

寄司勳張員外學士

平昔偏知我司勳張外郎昨來聞俶擾憂甚欲顛狂煙
暝搔愁鬚春陰賴酒鄉江樓倚不得橫笛數聲長

寄邊上從事

男兒懷壯節何不一一作河外事嫖姚高壘觀諸寨全師護大朝
淺山寒放馬亂火夜防苗下第春愁甚勞君遠見招

寄左省韋起居序一作字

風神何蘊藉張緒正當年端簡爐香裏濡毫洞案邊飾
裝無雨備著述減春眠旦夕應彌入銀臺曉候宣

寄贈藍田韋少府先輩

王畿第一縣縣尉是詞人館殿非初意圖書是舊貧斫
冰泉竇響賽雪廟松春自此昇通籍清華日近一作逼身

寄懷元秀上人

悠悠千祿利草草廢漁樵身世堪惆悵風騷頗寂寥高
秋期野步積雨放趨朝得句如相憶莎齋且見招

贈圓昉公

昉蜀僧傳宗幸
蜀昉堅免紫衣

天階讓紫衣冷格鶴猶卑道勝嫌名出身閑覺老遲晚
香延宿火寒磬度高枝長說長松寺他年與我期

寄題方干處士

山雪照湖水，涼舟湖畔歸。松篁調遠籟，

一作韻

臺榭發清輝。

野岫分閑

一作開

徑，漁家並掩扉。暮年詩力在，新

一作析

句更幽微。

寄獻湖州從叔員外

顧渚山邊郡，溪將罨畫通。遠看城郭裏，

一作外又作處

全在水雲

中。西閣歸何晚，東吳興未窮。茶香紫筍露，洲迴白蘋風。

歌緩睂低翠，杯明蠟翦紅。政成尋往事，輟棹問漁翁。

訪姨兄王斌渭口別墅

一本無王斌二字

枯桑河

一作桑枯江

上村寥

一作牢

落舊田園。少小曾來此，悲涼不

可言。訪鄰多指塚，問路半移原。久歎家僮散，初晴野蕓

繁客帆懸極浦漁網曬危軒苦澀詩盈篋荒唐酒滿尊
高枝霜果在幽渚暝禽喧遠靄籠樵響微煙起燒痕哀
榮孤族分感激外兄恩三宿忘歸去圭峰恰對門

放朝偶作

寒極放朝天欣聞半夜宣時安逢密雪日晏得一作待高眠
擁褐同休假吟詩賀有年坐來幽興在松亞小窗前

順動後藍田偶作

時丙辰
初夏月

小諫昇中諫三年侍玉除且一作直

言無所

一作以

補浩歎欲何

如宮闕飛灰燼嬪嬙落里閭藍峰秋更碧霑灑望鑾輿

府中寓止寄趙大諫

老作舍香客貧無餽舍錢神州客寄跡大尹是同年密

通都忘倦乖慵益見憐雪風花月好中夜便招延

峽中寓止二首

荊州未解圍小縣結茅茨強對官人笑甘一作偏爲野鶴欺

江春鋪網濶市晚鬻蔬遲子美猶如此翻然不敢悲
傳聞殊不定鑾輅幾時還俗易無常性江清見老顏夜
船歸草市春步上茶山寨將來相問兒童競啓關

顏惠詹事即孤姪舅氏謫官黔巫舟中相遇愴
然有寄

猶子在天末念渠懷渭陽巴山偶會遇江浦共悲涼謫
宦君何遠窮遊我自強瘴村三月暮雨熟野梅黃

訪題進士孫秦延福南街居

多病久離索相尋聊解顏短牆通御水疎樹出南山歲
月何難老園林未得還無門共榮達孤坐却如閑

訪題進士張喬延興門外所居

平生苦節同旦夕會原東掩卷斜陽裏看山落一作萬木中

星霜今一作吟

欲老江海業全空近日文場內因君起古風

寄南浦謫官

多才翻得罪天末抱窮憂白首爲遷客青山繞萬州醉
敲梅障曉一作晚歌厭竹枝秋望闕懷鄉淚荆江水共流

李夷遇侍御久滯水鄉因杼寄懷

簪豸年何久懸帆興甚長江流愛吳越詩格愈一作蓮齊梁

竹寺晴吟遠蘭洲晚一作曉

泊香高閑徒自任華省待爲郎